



署

831447

光緒庚辰開雕

證鄉齋詩集

李鍾豫敬署

叙

余久在長安俯巷閤門之官為多陳  
小裝農部恒相迥徑法藝一日袖出  
詩一帙見示且曰此相鄉蔡君浣  
雲之詩蔡以嘉慶四年進士觀政  
禮部由主事升員外郎中授延平  
府知府升延建節送所至省改績卒  
於官性好為詩與姚春木汪竹海劉  
美初許蕩船相唱和極一時之感惜  
未付剞劂兵燹後原稿散失僅存  
孫鶴夫大令搜得存燼已不及十之  
一二云余愛而讀之愧然曰古者名流  
挺生歎不必以詩著而名詩卒不可  
掩沒善以敷政及濟艱難事業免  
頌赫當時即莫不如鴻文美製以  
尊揚臣勳鏢而宣暢臣溍鬱栗或



出绪好刻畫風雲月露以及體物之  
情定約工雅佳之與文人學士開一韵  
之奇重一字之巧而不必有人振藻  
於前拈篇於後而時過境遷後人搜  
其遺編按塗循軌轍若呼之欲出  
此非必精神之能相接如性有真性  
情真學向而後乃有真文章文至於  
去則歲之可不能移兵戈之不能  
毀院廢之詩不可替刪為新者固  
不獨王子孫樹檢成帙可以常完即  
使有燬聖之變滅吳彝之沈沒

二

一旦吐景騰輝生寶兩崇之者固自  
若也今少農持此卷索余為先社  
之尊余學日荒落序今人之詩且  
不能為皇首之至太冲而取類如馬  
骨堆墮不而慎字雖佳余亦諱別美

而與澆震身有云結慕淵深抗情  
表上浮巍造述實候我心又云孔  
氏規正紛瑞揚子惡在華舟劫以正  
詞見君風骨然劍先生所詣美福  
言之矣余又何以易之哉西小農  
之表章前修鶴君之闡揚先德均  
近人所罕何待余之時

光緒五年十月闕里孔憲齋玉篋抄序

證嚮齋詩集卷一

五言古詩

橫吹曲長安道

桐鄉蔡鑾揚

浣霞

卷一

槐里發歌吹桂華攬葳蕤結環不可斷君恩傾向誰許史  
朱第盡趙李雕輓馳獵犬出東門未有決絕詞

古意

春陽何奄忽芳菲日以深美人理瑤瑟往復難爲音徘徊  
東西廂坐視白日沉苔華誰所貽寥落長相尋可憐明月  
珠不照鴛鴦衾

證嚮齋詩集

卷一

銅斗飲江酒擬孟東野

飲酒如飲江銅斗非鴟夷傾酒如傾波銅斗非漏卮但使  
共冷熱不復相然疑明星出地高東方白參差勿揮鉛華  
淚去作豪橫兒

兄子

鴻變

湘巖讀書城南雨中過宿遂題其壁

高城橫白雨聲在西南樓迴風下四壁落木寒颼颼暝日  
不到地水氣生龍湫但覺門徑深如入星海游之子讀書  
舍跂足凌清秋晚見松閣燈下照叢薄幽涼煙忽中合碧  
瓦參差浮是時羣籟息當關報更籌前院最陰翳跋刺鳴

鷓鴣偃卧不成寐鄉語生羈愁河聲落枕上一夜桑乾流  
橫塘曲

妾家吳趨里門對臯橋下雙槳渡江來風吹竹枝野江頭  
汐復潮樓畔憶吹簫妾理同聲曲郎成獨酌謠孔雀東飛  
還黃魚西上日風水偶相遭去住無消息北斗直河梁迴  
闌十二廊今朝衣上淚昨夜鏡中霜霜結青楓樹紅顏爲  
誰誤可憐油壁車長別西陵路明月不重窺天長何所之  
枯桑與海水各自兩心知

雜詩

證齋詩集卷一

二

至人妙觀化超若飈輪馳若華不可攀白雲長相思橫術  
曠四周天路清且夷迢迢接脩旨感激當遺誰前攬便娟  
子未免中然疑請申獨往意躡足從此辭

積雨遣懷

草堂背外郭日夕煙濛濛卧送雷雨歸洗出西山峰雲氣  
忽四注下護靈潭龍遙知風水寒夜入星斗宮昨與故人  
約共采青芙蓉暝坐石牀上夢落河聲中軌躅在咫尺所  
之若途窮獨還北窗眠靜聽茅庵鐘頗聞金井旁晚吹陰  
翳空明當踏蒼翠去掃天壇松

爲宋梅生題巢雲別墅讀書圖

遙山插晴空上帶白雲墜雲影淨不飛冷滴半峰翠何人  
握卷來梅陰破清睡隔林曳仙衣藹然眷春媚霏香入夢  
幽書與花同味披襟淡泠泠鸞尾掃涼吹人生貴逍遙烏  
帽本如寄嗟予共應官早識畫圖意出山雲無心入山花  
不避會約抱雲還重問花開未

題春郊訪稼圖

步屨延平疇夕陽聞村春入林尋煙語曲背攜鋤翁相逢  
但爾汝其氣真黃農鬚眉映山綠蓑笠皆古工小饒謀醉  
證齋齋詩集卷一  
三  
飽稚女當扶笻方今長官峻催租下黃封責我輸稻梁供  
彼誇鼎鐘多君思野獲關心惟田功百事在菽粟一念無  
窮通會當占土脈結茅開數弓遠畦分菜把疎籬搖豆叢  
秦漢老不知閉門桃花紅

上已張秋芸招飲

故人結嘉宴勝日乘上已魯酒白玉尊歡言及今始泉石  
何窈窕粲然桃與李芳華悅我顏黃鳥翩翩起子焉觀物  
化兼得悟元理瑤琴不在御但企無絃旨抗手歌松風永  
念巢居子

登江亭

陟高渺延爽觀化時悟真天曠浩無主星氣來翼身木陰  
吹殿火竹巢棲佛塵山水赴冥搜鐘魚搖定神郭門瀉蒼  
綠下有古別人我能自屈曲願言從鹿巾

樵父詞

火山莫火林伐木不伐心出世無定機入谷多苦音前途  
信修廣託念在斧尋朝市半升穀暮市一粟金衣食分所  
屬險巖日以深不見百尺桐幾爲爨下琴

牧童詞

證齋詩集卷一  
地用莫如馬而牛頑不知不分草澤中翻多辛苦詞朝驅  
北原上松陰何離離廣途去闌柵永日忘鞭箠府帖昨夜  
下歲征已及時還家賣黃犢馱鯨牛心悲

采菱曲

妾有菱花鏡上覆鴛央綺何處結相思門前越溪水薦耶  
白玉盤淺笑紅窗裏回頭語石蓮苦心不如子

重游龍泉寺感懷寄周筠雲秦中

陂陁四五里直西聞寺鐘入門波濤聲松栝皆天風廊廡  
晝深黑神鬼虛無中不覺衣裳寒如游星斗宮老僧昔持

鉢潭上制毒龍至今雷雨交鱗甲疑在空故人讀書舍徑  
沒蓬蒿叢祇餘溼薪竈時見夜火紅地廢猶結賞事往難  
追蹤仰屋發長歎夢繞東陵東

雨霽曉興

客起衡門開日出隣炊早縷縷生溼煙稍稍出林杪雨洗  
叢綠深蟬鳴眾山曉宣節寢已馳庭蕪寒不掃時覺淒風  
迴蕭然斂懷抱久與泉石辭所之傷遠道及茲入世勞頗  
願巖居老不有栗里游榮名安可保

聽汪浣雲彈平沙落鴈

證齋詩集卷一

五

商風激淒籟素琴當清歡涼波杳然去置我瀟湘間鳴鴈  
落天際飛度江上山似聞零露聲夜出明月灣飛沙作開  
合哀響忽往還冥冥木葉墮拍拍蘆花寒郢門悵深閉楚  
客興長歎始悟青桐枝可以凋秋顏虛堂坐縹渺高韻不  
可攀羣動寢已息孤雲相與閒何當謝時侶歸卧白石灘  
共此湖海心翩哉雙羽翰

清玉山堂

浮嵐霽明翠洞門澹餘暉天水互演漾樓宇相蔽虧中有  
黃仙翁招我白石磯宴林度清闕春華攬葳蕤晚沿滄洲

去遠見元鶴飛高節既云邁至人安可希飄忽步靈階宵  
映生道機榛叢被陽谷藥苗坼陰厓獨下月潭汲屢薄雲  
窗窺綠髮且未老金策恆自持偃佺肯同舉羊何得所歸  
永保松柏年但理蘿薜衣東郭已長隱北山甯見讖

江亭晚眺

落日在平疇夕景靄初霽忽曠遠臯步漸極陂陀勢虛亭  
倚霞表危闕俯空際雨散木華流水落蘆陰蔽重邱莽回  
覆昏煙互蒙翳蒼蒼野柴空陰陰郭門閉龕燈且照夜壁  
畫不知歲微尙秉自今幽棲可忘世歸路戛林鍾迴風襲  
證嚮齋詩集卷一

六

人袂西山鸞鶴羣迹欲從茲逝

曉泊桑園

桑園濁河口蒼莽帶原隰十里辨人煙沿洄放舟入虛沙  
側岸回暗火中洲集水落蒲稗荒風生魚鳥急野餐屢相  
戒羈夢嗟何及辛苦東南征危檣愁竝立

舟中聞笛

橫笛弄扁舟天風吹不息日夕下滄波長河千里直五音  
疊相奏一曲含懷慟驚風滿空原楊柳無顏色和之水調  
歌聞者淚沾臆知是斷腸聲江南度江北長謠歸去來此

意君應識

大風早發滄州

北窮碣石勢東出渤海疆長風駕高帆浩渺凌津梁枕席  
忽震撼神魂兩摧藏大波疊起伏狹岸爭低昂草木盡披  
靡駕鶯驚迴翔拂衣去超忽擊楫生慨慷吁嗟遠行役辛  
苦踰朔方愧無宗慤志但效禰生狂願發漁陽搵一激壯  
士腸嗚咽交河流日夜鳴湯湯

德州十二屯田家

迢迢北原上野色蒼然積度坂日將沉通村路逾僻人歸

證嚮齋詩集

卷一

七

石門暗雁下蘆洲夕華木發煙青涼塍散泉白新畝已在  
塲素酒還盈席無事且掩關因之謝勞客

延平官署歲暮禱詩

運周天地閉跂喙盡坯蟄飛蓋動六衢人事苦羈縻日昃  
月方盈古往今復襲田竇互升沉賓朋遞出入黃金買青  
春百歲亦呼吸南箕長簸揚北斗空傾挹天道不可親我  
生何汲汲

歲時樂歌呼華燈照四壁酌酒膾鯉魚家人盡前席長跼  
乞司命凌空去無迹閭闔門九重蒼蒼如不隔失歡懼疵

瑕得意希恩澤得失吾不知黃羊薦何益

中夜息羣動寂寥守嚴城飛雲結游梁傑閣高崢嶸其下  
叢百灘勢若屋建瓴水性本順下瀦蓄爲渟泓蠹石怒相  
薄激使轟雷鳴磅礴方寸間令我生不平

龍津投寶劍天矯去無迹激浪驅奔雷森然動千尺張公  
歿已久誰與追精魄匹練從東來路逢游俠客何處報恩  
讐掉頭看飛翮我欲夜燃犀爲君照赤幘

朝日升東隅照耀丹霞谷黃霧忽迷漫昏翳無一矚壯士  
登高臺矯欲凌鴻鵠狡狴守天門森嚴不可觸素霓空招

證嚮齋詩集

卷一

八

要青雲成躑躅坐令元豹姿人間自屈曲

漢代重明經賢良屢諮訪賈董適投閒芻牧拜卿相長沙  
旣沉淪膠西亦疎放東閣且招才俛顏就豢養時來曳朱  
輪運去責無狀咫尺金馬門囂然起塵障伊古多是非呵

天一惆悵

古有高蹈士吾慕嚴子陵羊裘垂釣竿屢辟不應徵同時  
啖名士駟驟雲龍升事勢一乖忤鳴雞亂蒼蠅桓譚旣驚  
直馮衍尤曹騰上書累百言徒爲忌者憎

阮公慎臧否與世幾同塵及爲青白眼仇疾萃一身乘覓

攬眾轡慷慨賦大人獨駕悲途窮慟哭回車輪悠悠司馬  
兒碌碌蟻蝨倫沒首處禪中烏能識其真

山行

亂山走大荒塞門一束縛脊摩天梯上背受鬼斧削黑雲  
壓頂來孤松倒入壑其下潛龍蛇古腥留石脚我今蟻緣  
行一進先百愕盲風驅驚沙車旁如雨落後蹶險壁危前  
投怪峯却命薄無悔心境定有迴魄振衣直北視蒼茫古  
城郭五陵青濛濛關樹莽寥廓此地足兵防獵馬昔騰躍  
漢草近不平巖扉敲壞鑰

證嚮齋詩集

卷一

九

三過三元林氏別業是夜寒甚

東躋蓮嶺高修磴凡百曲呀然谷口開舍宇在巖腹亂峰  
壓草堂黯澹隱日足石壁生峭寒嚴霜立僵木斂襟坐突  
兀肌理就檢束山風動死人巾履了不屬衰羸久成病瘴  
癘慎所觸拘戀亦何心慙此滯三宿

永安灘行

北窮燕江來貢溪水怒作急雨橫天關奔雷殷地絡九龍  
各昂首勢欲趨海若連山亘其間鎖紐牢束縛茅簾旣崖  
柴銅盤更噴薄轟石磨虎牙猶怒與之搏投隙驚百沸避

舍枕三却決眼忽票姚盪胸亦磅礴駭成昆吾譟險過孟  
門鑿人鬼爭毫芒千丈奮一落先覺戒垂堂斯言緬猶怍  
建溪行館

平闌落九峯高館曠西矚鳥道掛殘雲人煙散疎木浮嵐  
藹餘景明波蕩空綠隔水問漁家武林深幾曲

滄洲飛雨來潭光忽凌亂瀨口人獨歸石門鳥初散沈寥  
空在賞川涂已屢換明發趁晨風直度黃泥岸

送蕭二樹芳丹五罷第歸海鹽

高郭臨大道日夕悲笳鳴嘶馬出門去慷慨東南征野曠

證嚮齋詩集

卷一

十

浩無主木落前河橫黃雲忽西薄朔氣迴長城驛塚幾千  
里蕭然歸鄉亭海上有老屋夜接波濤聲樓宇何冷冽肅  
肅天風生之子一再黜屈曲傷世情但取千日醉不如謀  
步兵忽忘白首約永保君子名

爲賀楚帆題禪林飼鶴圖

浮世多顛靈高人出上方獨立心空明身是安禪床坐中  
見龍樹門外拾鶴糧修羽戢不舉素輝生衣裳赤壁謝塵  
夢青田得飛翔迴向初地時佛城清唳長願勿縛法律禽  
經註數章

新安潘公輔六十壽詩

公輔先世有仙降生至今稱蕊珠仙裔

玉京千百載絳籍垂子孫植世若蟠李枝葉皆仙根先生

抱貞一薄俗返以消三復角弓詩怡然弟與昆曲折杵臼

交艱難壺觴恩節豈原涉俠誼並樊宏純千金易脫手通

德名其門家學西河授經師東觀尊歲星出參昴式降黃

耆身願寫位業圖永駐无量春

大造本無為網緼此中宇世網忽以嬰紛逐乃忘苦羣情

證鸞齋詩集卷一

溺愛流迷茫成墜雨妙覺者誰子出塵浩無伍觀空意自

閒據梧首頻俯冷然清道心風泉互吞吐真聞契無聞元

默握其矩石壁千仞高下接亭與廡四大亦何有定境任

所取獨醒闢禪關浮生託柔櫓江河日夜流蘆花隔前浦

張芑園真一酒詩集後用山谷柬同子瞻寄王定國

大道運尻輪小言成蟻肝高門德在酒出入世眼寬低昂

古城府以氣摧其殘市上留藥經關中脫儒冠老見文字

性苦蘖根株蟠水火吐納久蟲孽資生難箝鍵啟清郭箕

斗當笑歡外有疾走兒守口遭譏彈

哀蟬吟

華里古門有捕蟬供童子戲者余釋置樹間爲雨所墮見  
食雞口感而有作

鳴蟬翳高樹悠然全其天不自息繁響坐爲人所緣逐令  
嬰世網取悅耳目前我本澹蕩人豈復相拘攣庭宇清且  
曠三復逍遙篇共保空明心庶幾遲暮年物機旣未靜風  
雨來無端委化在中道瞬息成棄捐雞蟲有得失植生良  
獨難

證嚮齋詩集卷一

夏至日同人小集爲消暑第一會分韻得會字

五

火織張高空闔閭怯埃壙消暑陳尊羈跌蕩文酒會庭虛  
窗戶綠似出人境外涼影壓雙藤靜綠卓高檜織花吹細  
香新蛸曳孤噉入座競分牋開軒齊解帶棕拂縛涼颼茶  
鼎煮秋籟涼果浸寒漿俊味斫細膾微奇陋說黥數典笑  
談貝暝色何蒼然雜樹轉叢蒼惟愁人去江海隔湍瀨  
華星占六匡碧雲望雙旆卽今悵分襟何日復傾蓋小山  
孤月上碧縷殘香靄

公無出門

公無出門門前掘胥井門後列棘垣嘈嘈噴噴魄右魂左  
登屋發占入淖出火

小除夕祭詩

我生江淮間甘謝時世名詩骨如病樹感觸多商聲中年  
扣牛角挂書成孤征窮漠拓瑰抱得氣爲幽并江山出才  
語入險無夷情虛堂坐飄瞥神鬼交拏爭長劍一磨盪叫  
嘯追精靈側攻破怪石上燭鏡秋星歌哭有至味甘苦無  
兼營比聞西南路楚蜀森屯兵夜夢柔乾河蹴踏冰霜平  
鐵鞍起長吹戈戟相支撐胡爲拘墨守以跡韜其精俗學  
競嫵媚哀響難逢迎贈同百編重視如一簞輕秘藏自酬  
勞荒忽棲神明無餘秦灰劫抱卷悲長城

冬、日同人登江亭

古亭如空山鈴鐸皆天聲下蹋細石路秘房開佛經野沙  
暝無日一峯來窺城白氣斷枯木凍葉飄冥冥遠鐘坐消  
歇吹出壇火青却顧道衣溼曲溝流碎星卜隱八九元休  
休言機平殘眼寄澄廓夢海呼倉靈

三洲詞

鹿盧繫銀瓶頰長憐水淺明鏡入懷中照君心宛轉妾有

青玉枝徘徊待君折蓮子落荷房奉君好顏色

獨漉篇

獨漉獨漉駕車安軸中門不前兩馬相觸青青者柏植被  
路歧食葉則瘦食脂則肥瓶水雖流不過十步井火雖然  
不照行路暗鏡覽容退且自疑新紉襲故哀不可知豈無  
盤飧曾不我主蒼蠅在旁亂我言語今朝不樂來日苦辛  
縲我高足莫非蹇人

送王芷塘歸沂州郡治

昔君在南宮遇我竭誠款藩棘盡可撤豁若城府坦虛衷

證鸞齋詩集

卷一

齒

取博議諮事每十反欷器古則誠道貴不自滿至今秉風  
義後進復誰續尙書有期會吏祿亦無算功曹日汲汲且  
復計枯菀拄笏望西山高致一何遠

君由御史出政迹在金齒山東應急徵北轍及茲始長揖  
入軍府感激出豪士左間按兵籍健者必亦死瑯琊臨大  
道前驅負弩矢五馬來東方立呼瘡痍起解散諸部曲各  
自顧恩紀不逢元道州安得守鄉里

東海古大郡其俗日凋敝椎埋橫爲姦愍不畏長吏近乃  
中漢法快若擊毛鷲豪猾重足立森然示之制古來刑名

家動以刻深治蒼鷹旣側目乳虎亦蒙刺奉行尺一符寬  
猛必相濟君師趙大夫無害良可識

壽樂母寄蓮裳揚州

闌堂棲逸仙著業在臨川舊錄詢周史新詩寫蜀賡春風  
動楊柳上計聲名久不樂五陵游空傾三市酒失意酒胡  
家長安繡陌斜向人呈薤葉留客落槐花別來元髮暮煙  
水橫歸路鶴唳石頭城霜清揚子渡歲晚未還鄉門前烏  
柏長開帆出江戍疊鼓下雷塘高吟傾北府明月盈三五  
坐上合吳歛筵中陳楚舞歌吹竹西隣河梁不動塵綠蘿

證嚮齋詩集

卷一

五

曾補屋丹橘且貽親林邱照初日委宛承顏色山鳥勸行  
耕淮魚歡上食春釀玉交卮殷勤阿母知稊田輸晚稅藥  
圃散靈枝摇摇攀若木滄海年華足爲謝白雲居長歌紫  
芝曲

龍泉寺消夏用長吉昌谷詩韻

柰園枕曲湟暗徑漱細水霞尾拖暝天愁紅斂平地野光  
橫曉門山骨脊春媚老樹束石紋亂風剝古翠顏雲壓草  
夢寒雨篩竹淚魚樂吹絮空蟲棲飲露醉冷星導秋燈病  
馬踏幽邃練碁搗晴莎矮綠破荒埃折葦搜夜聲小蒨割

香膩獵獵掛努波銀沙蝕苔字縹帶談靈旂花竿隔煙峙  
素椒脫壞壁虬尾帖不起寒狐拜暝鐘敗火豆籬裏野梨  
落枯香綠霧疊殘紫檐牙鏗珞鈴瑤角焚玉髓秋稜迸土  
痕斷碣壓花穠木葉山鬼衣稻畦古僧帳曠心息跣跋前  
刼忘紛墜舊榜昏墨乾曲溝危溜苾絳紗鎖珠奩瓶隱夢  
幽闕燒桂滴暝空破幡抱月氣玉爐吐青灰饑鴿撲淨几  
繩牀析記荊禪悅味禪粹敲瑣石關冷墮嬰銅井圯竹簾  
張敗畫棕拂縛垓思房寒折寸輝腥劍走老魅攢眉錦麕  
燈枯佛示瘦貴小屏脫甲在疎磬鳴璫似廳廡吹松涼獨

證齋齋詩集

卷一

六

鶴領經義鸞翼帖朱絃青壇拜仙祀我生苦拘猶新慧削  
舊恥曳筇傲山癯抱甕招圃吏卧叢送螢星采菘下蝶餌  
響雪梳縠襟曉水搗羅紙白灣洗潭鏡宵網理漁事酸橘  
疑隱叟妙蓮當選妓山壑傳漏下陰燐度衣至桃笙織蒲  
影茶鼎沸階次油衫浣燕泥苾帳鬱蕉悴柯香足笛材桐  
韻偷琴意藥欄擔秋鋤暝鴨翹雪翅不律捐墨守蹙融鬪  
棋戲讐書誤蟹名斫屐署鳧使亭空疊碧浪城角咽長吹  
梅梁蠹穴露蘚苔古斑漬鼈鼉巢佛背蝙蝠墮人臂行軻  
謝毘額吟袖磨壞刺感年賦鷓冠託境成悅肆詩骨斲羈

愁遐懷炙轂子

題嚴松谷南窗叢菊圖

斂襟南軒下秋英託微慕淨色發華泉涼光寫幽露舊時不在遠日涉紛成願素酒忽已盈芳華易云暮遐哉陶隱君願接東籬步

中秋夜雨無月

金風薦盛序筦簟淒夕涼層陰暗東隅圓魄忽已藏崇林閉四周河津浩無梁攬衣重躑躅負宇阻且長美人越瑤京綽約棲蘭房玉臺有清照朱瑟且再張浮雲颯南逝何澄嚮齋詩集卷一

七

蛾揚

題張春舫寒鐘獨聽圖

春舫喪弟因取漁洋寄西樵詩意名圖以寫恨

平沙秋色多思動扁舟客不見楚鄉人蒼然煙水夕西風原上來落葉紛如積徑轉青楓林鐘殘白雲宅香臺一了悟身世都成隔雁斷曉霜天愁深揚子驛

游太清觀

叢木周外野古觀出上層開門面叢麓入徑窮平陵壇上

七星旗殿中九微燈鶴影靜在空仙眉長有稜道人習清  
淨見客時杖藤別屋注茶訣後田澆瓜蒔萬事若電掃一  
心如水澄顧余吳門業欲歸今未能終願味太元永當謝  
行滕謝太元風

庭中果木詩

并序

我庭翳如卉木茂止歲陽禪序物華觀變榮敷在  
紛一息條飛藿欲起土脈乍坼春翹又萌時哉詔予適然  
任化伊彼人士同鼓橐中涉乎世紛遂愧覺者卽  
境有會寄懷於言

證齋詩集

卷一

六

靈椿挺修幹植立青雲端春陽照以和奄忽徂歲寒榮悴  
任所受物候爲循環結根相終始奉君千百年日及方在  
條一息成棄捐始悟養生理壽者全其天  
猗彼墻下桑長條何裊裊密葉望承筐戒此寒時早昔爲  
春陽媚今看嚴霜飽機杼幸不空青華斯可寶還顧樹上  
枝支離亦夭矯天風任長吹豈曰恨枯槁

高榆蔭南榮華條發春姿圓甲萌且坼可以療朝飢苓落  
不自惜采擷當遺誰搖搖白雲上厯厯瓊樹枝根株莫相  
保飄風忽間之日夕投我林鸞鳩爾何知

中庭安石榴丹英耀朝日感君悅我華自爾報嘉實素手  
欲有贈徘徊玉臺側得承君子御何辭及時析根蒂幸不  
移綢繆永相結長此謝芳菲傾心待寒節  
蒲陶何離離嘉蔭覆我廬移根自西徼託地清且腴秋實  
方及薦夙惠不可虛美人雙玉盤眷言若明珠落葉隨飄  
風柔蔓守故株纏綿在中路勿與野葛俱

江南弄

博山炷沉香水淺笑紅窗裏郎愛菖蒲花妾心石蓮子但下  
歲寒鎖春風不放開明光鏡中月雙照夢歸來

證嚮齋詩集

卷一

九

隴頭吟

寶劍千金裝舊許報恩客戰奪單于營功重交河後自逐  
輕車歸未通長樂籍空見竇將軍勳名在簡策

雪後

幽齋一夜雪白曉晴煙作初日照空明深庭掩寂寞前攬  
廣除步始見天宇廓嵐氣散朝霏雲光動疎薄遠吹淒欲  
生寒淞高不落委蛇在靜室愛賞對清酌流連洛下吟纒  
綖邱中諾爲謝臨風人瑤華此可託

道出天津寄前令陸費三丈三十四韻

我從薊邱來勢欲窮朔漠渤碣爲之衝滄溟大包絡環海  
百里間泱漭帶城郭水門洞深黑薜荔垂雨脚旌竿轟敵  
樓悲風威回薄突兀度長梁客心莽牢落重維古巖邑漁  
陽一關鑰突騎天下聞其俗利擊搏銷兵趨買牛始令返  
耕鑿冀遂今則亡嗚呼誰嗣作夫子臨此邦樹立甚宏綽  
森然尺一符左輔存顧託達才任赤緊治行表臺閣縱使  
奮雷屯爪牙會拏攫何因困讒執口眾金乃鑠西臺臨受  
詞飲章抑何虐無甯舍一官肯爲强者弱至今訪耆舊言  
之襍悲愕前年璽書下白日光照灼蒼鷹脫鞴飛安得久

證齋齋詩集

卷一

三

羈縛重嘆麻衣新艱虞迹如削長安交九衢跌蕩天宇廓  
晚出上陽門秋風踰蕭索客來主前席嗜我葵與藿感發  
洛下吟傾倒宣城酌孟公不可要阮生且落拓浮雲忽東  
來飛蓬去無著游子將南征黃塵動廣莫臨歧意氣豁陳  
義何輝爍惠言若瓊瑤恐負平生諾刻露青瑯玕寸心亦  
磅礴王程信三舍回首隔重嶠北望甘棠陰風期緬猶昨  
明發長相思恨難躡飛躡

尋隱者行樂

白雲度西嶺松門藹然夕空谷滿幽香華泉動靈脈息心

且長往嘯侶更何適黃鶴招不回前峯坐來碧

莫徭歌

三峽帶風壤六亭成部落媿女製木瓜蠻人合蘆樂寶錢  
通市易幪布共輸作散入石林中桄榔垂洞脚

題山水便面

木葉黃落遙峯忽清流泉在戶石扉自扇鳴榔誰子落日  
揚舲雲英可采以修遐齡

題畫梅

彼美且淑眷言媚茲之子獨邁春華可期抱質而處含芳  
證嚮齋詩集卷一  
欲希素心我諧甯不爾思

壽陸母五十

母修成俞高堂眾婢並佳俠光約善心崇令望母嘉虞賓  
君子的容與長燕喜肅在御日無始母信娉况子孫槃蓄  
器珍抱文晻翼扶藹芬員母延年吉庚子火魁中金行序  
景昭儀泛處所母介祉陽晁熙象載榮若搖支申重觴曼  
福綬

寒食話

柞牀滴春乳玉椀眞珠溢絳筒裂蘭煙人影搖屈戌天苑

白垣小素雲韜古月碧桃抱幽魂背雨孤香出山壘傳漏  
來迴風泣瑤瑟明日柏陵頭香泥埋燕骨

王摩詰畫

飛梁遙界山長坂曲通路水落寒聚沙日低暝歸樹隱見  
野火微靜覺樵聲暮時有冷煙生人家最深處

王叔明畫

客向山頭耕還結山下屋人語出煙墟雞聲散邱木園蔬  
掇未齊井稅輸易足歲晏無所營隣家酒新熟

書姚春木詩集後

證嚮齋詩集

卷一

三

健筆獵羣藻竹墳資博涉斂神攝星芒錐險鑿山骨才大  
囚龍身鋒寒漉虹血堅光鍊雪紅奇字鐫雲碧祕鑰神魚  
開圓銅寶蟾鬻駭波搖地軸彩霞補天隙苔剝丹篆鼎鑪  
鎔白戰鐵逞詞眾妙并造境一心闢鴿起傾盛名雞棲話  
行跡暗塵今碾輪荒江昔泛宅鞶鼓壓歸夢干戈鍊詩魄  
峯躡趾小顛泉哭淚幽咽吹角叫盲風搜符破奇石劍鏗  
鬪驚電琴語悲古月途窘氣彌伸景奇音愈烈顧余殊岷  
坳多君願交結作諾拜盟鷗貢情師負蟹彈蕉角文心咒  
筍償酒癖玉局棋聲投銀屏燈影隔凡將校書嚴競病拈

韻窄才語賦相壓異情甘見迫一編朱墨餘登壇思拔戟  
龍泉寺夜坐寄懷竹海竹素

危簷搖碎星碧火定荒殿牡鑰鎖陰房冷螢閃佛面門葦  
綠生衣小鈴吐幽怨敗甕補銅井枯花著羅薦木葉載靈  
風漆燈下秋院夜心滿淒寂慘景搖瞑眩故人渺江湖一  
別淚如霰峻坂摧斷輪曉關擔孤劍嗷嗷與身仇痛俏遭  
世賤百感逆驚濤寸腸叢眾變舊形貯新夢醒耳警漏箭  
苦甘嗜前味歌哭成後戀他年約入林幽徑翦荒蔓短竹  
支雨蓑冷波搗晴練雪庵抱衲眠白足證初願何處關山  
證嚮齋詩集卷一  
魂巖陰飽松飯

七月七日汪竹素至自江南楊蓉裳農部招同讌集

芙蓉山館分韻得燕字

銀灣咽碎波素機織晴練簷缺吹碧燈冷星壓秋院短棹  
上豆籬殘果雜羅薦暗月不知人敗簾踏孤燕故人共涼  
節新遣洗舊怨羈魂怵前境濃笑生後戀喧寂迸夜心苦  
甘攬時變出門無廓路天海傷游倦僵卧養肌骨斗槎夢  
中見

送周筠雲下第赴隴四十韻

積雲暖古原凍雪墮幽壙游子將遠征濃歡變淒愴侘傺  
起後悲苦甘嗜前尙憶昔未識君耳名心敢忘發篋得君  
詩斂懷推雅唱哀響成今仇異情拜古貺螯手鑿怪思矻  
肌搜祕藏使我臨奇兵氣孤神不王古寺結新交貌合言  
無誑兩載成過從一眞杜諸妄擘袖取邀攜入門廢揖讓  
沽酒質朝衣飲酣示腑臟苦語發飢寒坦懷卻屏幃我生  
羞阿匱志氣動高亢眾喙叢隻身百爲無一當惟君謂我  
眞危言絕浮謗我生苦離別兄弟久疎曠獨居背同塵刊  
俗就鯁亮得君與我交古意相貢餉隔君或經宵便覺生

證嚮齋詩集

卷一

三

惆悵君抱礪何意文章恣跌蕩入世拾寸名所得不盈量  
何爲一再蹶雄姿半凋喪鐘鼎庸材爭冠蓋朱門傍坐令  
湖海才跣跋秋街上痛隋覺心孤淒酸疑淚漲每於高會  
中悲歌罷清釀卽今尤苦貧行篋難摒擋病骨載羈愁窳  
途引哀吭欲爲故人留恐孤老親望投足萬里程神魂墮  
蒼莽張掖古山川秦風誇雄壯當關甕城窄拔地劍峯向  
白日燒野枯黃沙斷煙瘴險壁爭鬼工荒塵肅邊防鞞鼓  
壓孤夢干戈望諸將丈夫拓豪襟失意走層嶂臨別感一  
言初心覺震盪末俗慎功名中朝重俯仰他年徐庾書勿

僅報無恙

書周鈞雲詩集後卽以寄懷

亂峯割殘夢白雨橫曉城懷君七千里挾瑟秦中行行篋  
數卷詩字字追精靈苦語發寒餓鑿險天不平窮荒攝邊  
氣山骨堅錚錚泉哭聚悲緊雲裂交拏爭上摩金脊蚪下  
拔銅牙鯨牡鑰鎖凍日篆鼎填秋星一咒仙丸飛十決神  
弓抨補空石凹凸攢隙電晦明隻身百其才眾力饒孤撐  
奈何遭世賤擔劍成長征歸除半弓地斗帳亭亭青悟道  
出火鉢療癡攜藥瓶昏睛妖蟆吹病語獨鶴聽自言謀大  
證嚮齋詩集卷一

五

浮生

隱散髮游珠庭雪庵抱衲卧飽刷千年苓生死勞一訪佐  
讀銷魔經初心重出處末路傷功名背君潼關月朱墨終  
證嚮齋詩集卷一

證嚮齋詩集卷二

七言古詩

桐鄉蔡鑾揚浣霞

城旁曲

城下青驄金絡首知是匈奴射鵬手閒枕穹廬兩石弓歸  
飲龍庭一杯酒聞道長楊獵火明漢家宮館舊時成金丸  
但逐張公子猿臂誰當李北平

擬崔司勳輕薄少年

高樓矗矗垂楊隄東風三月楊花低即遊長樂便門北妾  
住宜春複道西輕薄少年游俠子自矜生長長安里日高

證嚮齋詩集卷二

挾瑟走銅街月落探丸出金市棠梨宮外冷春時三五年  
華各自知但言青鳥通情易不解黃魚上水遲晚來露溼  
鴛鴦瓦躑躅誰家紫騮馬夜色將歸下社中香塵猶起長  
楸下獨向迴欄汲井華春陰依舊滿窗紗君看雙燕來時  
路祇在東隣碧玉家

夜飲示許三萬舫

邊頭日落鴉鷓鳴北斗下照長安城長安九門十萬戶征  
人夜起吹蘆笙廣苑垂楊大坊北高堂置酒歡今夕下馬  
題詩越江客草長鶯飛見顏色雁聲帶月西出關昨宵夢

渡黃河灣有時終用皇甫策不須愁上金微山

雪夜寄管大孝逸道中

西山峯頭殘月白西山峯下行人歇夜半出門烏欲唬前  
村雪壓河橋低津吏停舟不得渡長河直下東南路水聲  
激激霜華清隔隄遙見齊州城木葉亂飛滿涼野北斗星  
高立征馬迴身却望邊雲黃匣裏寶刀寒有芒游俠少年  
今白首過江干日中山酒長缺哀歌日暮歸笑爾碌碌爲  
人鞵

若寒行

證嚮齋詩集

卷二

二

高堂落木悲風長日氣迴薄無晶光出門西望天蒼涼榆  
林闕下飛鴉鴿拂衣欲去心傍徨冰雪崎嶇不敢向蹀躞  
馬蹏歸短巷

并州城下橐駝出晚渡前河凍無日河上老兵吹篳篥聲  
動千山萬山雪西塞旌旗坐相失天門夜半星庚庚何時  
却罷輕車營  
西門農話美陸費三丈小愚時知天津縣出門急  
東門厲石班黃雀西飛還長官兩走馬良田縱橫在城下  
道旁迎長官老農導來前顧謂爾牛須努力長官在兩側

長官神明天雨粟老農還家飯黃犢  
我我長官閑且都兩馬入城西日哺誰當饑者婦與姑丈  
夫何在田中廬百穀豐成國所需積水不如雨積金不如  
土長官門前有懸鼓春黃梁報官府

置酒行

鳳皇十二長安城六街車馳夾轂鳴丞相門前高且閎徒  
御颯沓來相迎一踞再踞酒數行竇侯上客蓋侯兄旁列  
諸吏衛尉卿都郎戟支交縱橫來日大難不可平武安魏  
其詔獄成夜露未晞嚴霜零急觴在御肝膽傾東方日出

證齋齋詩集

卷二

三

天清明願爲黃鵠萬里征

爲陸祁生洞庭緣題詞

星官叱雲作龍語白綃墜空漾水縷仙妾佩纓金尾斜采  
珠下喚靈田雨洞庭張樂無軒皇夢騎赤鯉游沅湘鷓絃  
十三盡君曲曉月墮煙秋點長

夜飲許青士寓齋醉歌

我願倒騎長鯨招酒仙綠玉杖底驅雲煙更願乞酒泉作  
湯沐邑爛醉不用青銅錢奈何蓬山甘言謫掉首乃著長  
安鞭白眼入世笑兀兀青袍漬淚空年年故人種花得花

性抱甕招我花間眠紫陌香塵不到處此中別有柴桑天  
吾輩狂才性落拓似海花香壓清酌李白笑煞襄陽兒孟  
公肯顧尙書約但知放眼對江山那使填膺有邱壑酒酣  
日落悲風哀羽書馳道西南來男兒生不取金印空傾熱  
酒添深杯高高太白離地起揮劍一擊層雲開千金俠骨  
不可見明日去上黃金臺

禮烈親王髀箭歌

靈氣蟠鬱長白東烈王篤生神武鍾旂常偉伐炳億載至  
今遺笥光熊熊鏃長六寸徑三寸白羽颯颯生秋風當時

證智齋詩集

卷二

四

秉鉞總戎旅前無橫陣營屯空大凌河與察哈爾一師遠  
勝偏師攻其餘百戰盡無敵拔砦破壘摧枯同霹靂應手  
餓鴟叫天旄墮落山頭紅乃知奇績必有託神物與王成  
大功地闢方登肅慎楛時清早挂扶桑弓摩抄手澤傳七  
葉銀潢奕奕承始封共球輝煌作重寶山河盤峙祠功宗  
丹書彝器慎世守翊戴九五飛天龍

日本紙歌

赤門日氣天濛濛麟背石文開鬼工邪鱗頑甲踏波去響  
剝綠粉扶桑東陰崖篆鼎雷噴泄夜搗洪荒礪砂骨靈風

裂素下龍堂一卷稜稜太古雪五精埽地隕雲平海嶽色  
凍玻瓈屏擎空螿手出光怪金窠漆字填秋星鯨鬚入縷  
皎絲互白光帖帖泉宮路秘匣神扇電掣飛元夷使者書  
符去

烏引雛

城上烏八九雛烏鴟鴞東南隅雛烏出巢烏躊躇上有青  
冥天下有叢薄路眈眈城門開雛來下何處但願雛高飛  
辛苦烏不辭可憐一夜雛生翼天雨霜烏頭白

佛燈曲

證齋詩集

卷二

五

瑤山靈虎吹虹煙宮神裂帛三重天電腳斜飛琥珀死綠  
星下壓銅龍眠瓦背走紅光不墜麝香煎甲銀荷碎玉杖  
拖斜太乙門雲衣照見森羅字珠窠冰縷篆屈盤陰房踏  
影琉璃寒夜掣金沙射空起絳筒瀉淚漂屏山波旬趨起  
暗庭隙啖啖秋晶古蟾魄九蓮一燼無上禪蠟鳳埋香土  
花碧

迎年曲

殿門石鼓祠天封離精入鼎雷隆隆金獸火鈴振空下竿  
燈不落神相風井幹直樓五百尺漆田迷魂暝無迹鬼師

跌舞招搖旗七層埽壇煙尾白粥粥樂府宮懸張巫席金  
第歌液湯綠章封事作聖語上乘六甲鞭真羊豆子雨飛  
秘宮瓦帝車北渡河西瀉青元僧儂百靈呼窈窕星衣橘  
枝野壽人息影容成家洞氣眈吹雲蕤斜屈曲世間兩王  
子明日海峯栽妄花

難忘曲

神龍牙牙開曲房織晶縫裂琉璃光小苑綠星背天去鈿  
雲下壓金魚涼楚嬌捧笑秦絃歇鴛鴦枕冷香頤雪苙衣  
一夜漢陵歸泣鑿春山埋燕骨珠簾罷照冰鱗薄眉銜

證齋齋詩集

卷二

六

雨漂紅巾斜門五月不相待兩地桂宮拋瑟人湘川別語  
迴環記八蠶繭綿報君意玉車寶馬走黃塵佛燈宵懺相  
思字霞尾帔掩蜀帳昏白天凍壁流霜痕哀容來折柏梁  
樹梨花落盡成秋魂仙杵搗香無量劫百鸞裙袂雙鳧匣  
當年團扇夢中銷空堂蠹粉填屏甲

重九日同人登江亭

荜門直道黃雲開蜀客抱劍臨高臺斷壁獸牙齧枯木陰  
房佛足生淺苔尊前屈窮樵牧下袖底側塞星辰來滄海  
神君坐太息五陵塵土銷雄才

偶成

曲房風露生衣痕冷燭照客尋秋魂蟲聲西里月埋井鶴  
病北山書到門隔院游絲入花夢下階落葉如琴言長松  
短壑不能卧書劍催別逍遙園

冰蘭曲

凍雪壓簾圓魄死探星盆底銅花紫碧玉無光膩一層茵  
墀香入凝脂水空谷幽花背雨寒素蛾攜珮到人間無言  
吹穀生稜易小立回燈取格難迴紋如霧迷方空裂帛聲  
寒風信送一片疑支織女機半春未醒湘如夢熱客傳誇  
證嚮齋詩集卷二

七

白拂子歌

春梭響割銀雲碎素練埽空打涼吹獵獵朱纓梳自光小  
龍噴雪水絲墜綫腳結茸千縷長晶簾縫裂飾繁霜袖聲  
吹落螺髮散織尾玉虹垂古牆

冬杪雪中偕聽珂青士竹海竹素登陶然亭歸至春

雲書屋小集醉歌

清游有前約此意天早知一夜作遊戲萬花空山飛興發  
狂走招吟徒賈勇不復憐雙跌出門雲海盪胸闊四野合  
幕前無途軟玉塵中忽捲去失足尙厭旁人扶初登崑崙  
臺旋躡玲瓏石滿城煙樹不知青寒影壓低天一尺安得  
左拍洪厓肩右攜子晉笛都向絕頂樓頭來吹破千山萬  
山碧山色碧佛燈紅暮雲吹下僧樓鐘冷腸急須熱酒注  
俯身一吸糟邱空牆腳數堆掃不盡醉便荷鋤埋當中儘  
放玉杯乾已聽銅龍滴歸來屋角吐殘月猶帶落花在芒

履 證齋詩集

卷二

八

南山松

南山松自言老代闕下路人百世何草草南山語松樹我  
實能爾知種松千年前伐松在一時去作洛陽宮松根長  
松子松子如爾長南山故如此憤憤求神仙身沒名未尊  
餐精服元氣上天何私親長跪問至道下與智者言

擬唐人憶春草

憶春草年年陌上春風老有路偏當京兆門催人還上長  
安道芳華未歇辭家難露光欲白河隄寒城頭月明城下

別照見行人馬蹏跡連錢玉瑋三春時綠上闌干人不知  
今來苜蓿秋風裏愁煞關山征戍兒

城下別送篁雨歸海鹽

城頭烏啼城下別五尺車輪三尺雪南河飲馬北渡人河  
聲上天水鳴咽長山勢走西極邊將軍乘障兵控弦男兒  
刺促不得意不如去種桑麻田石塘高高多苦竹前騰蒼  
龍後白鹿君家起樓縹渺間海氣蕩播樓影綠神鬼側塞  
病軀奇十生九死人信疑維箕張口牛奮角歸來乞夢靈  
星祠

證齋詩集卷二

九

秋荷詞

妾家近河梁荷花堪作柱煙水不勝寒芳華劇如許出門  
攬步惜容光紅粉娥娥明鏡妝郎來自隔彎橋住妾意終  
愁野蔓長打槳遲回花底出可憐花落何南北白魚上樹  
藕無絲妾獨纏綿無盡時

東飛伯勞歌

東飛伯勞西飛燕井上覆花山下見誰家桃李移近前容  
光傾寫當君歡游冶少年各三五躑躅道旁奈何許迴車  
一步兩不知那可酬君十日思君有明光迴暗質奉君團

樂古時月

前有一尊酒

湘簾半捲月始光美人起奉黃金觴醉舞白紵夜未央  
鷓絃再奏修蛾揚當前貽我雙明璫知君盛意不可當桃李  
花芳菲節奉君顏色能幾時莫使紅妝鏡中歇

陸費春帆客天津來往京師屢思南歸因有此贈

烏啼日出嚴城開黃塵不動清角哀客子過橋水聲急征  
馬躑躅東門來楊柳道旁幾時別客酒三行主前席草莽  
低頭二十年懷裏琅琅萬言策前山木落悲峩峩昨夜雪

證嚮齋詩集

卷二

十

滿桑乾河曙鐘未定星斗小鳴榔欲去鴛鴦多短埃長亭  
幾百里江北書來愁不止置身臺閣會有時擊劍拂衣從  
此始近家海上人煙稀樓船將軍西出師但看齊魯諸生  
賤不及幽并游俠兒

息夫人歌 并序

錢吏部 敕齋心草堂稿中有此歌引列女傳楚伐  
息虜息君使守門將妻其夫人楚王出游夫人潛  
出見息君作詩曰穀則異室死則同穴遂與息君  
皆自殺因疑左氏之誣余韙其言爲繼斯唱

井上桃花井底露楚宮春風息宮樹故君白首忍相捐賤  
妾紅顏那容誤東方未曙千騎陳楚王更衣酒半醺門前  
一步迴車地不惜悲歌啼向君鷓鴣翼分飛甘共折與君宛  
轉期同穴妾淚空隨峽裏泉君心長照山頭月溪水東流  
不記春蛾眉結主舊時身古來亦解酬恩死惟有青陵臺  
下人

自題煙雨倚樓圖并序

曩南昌萬十一丈爲余作此圖京師故舊題詠殆  
遍一日失去忽忽不復省憶甲戌二月家莘畬來

證嚮齋詩集卷二

七

言滇南吳明府毓寶得諸保易市中遂加題識介  
其來歸余感翰墨因緣不爲無自因而有作簡知  
我者

丹青不作雲煙化好事吾宗孰相亞六詔賢侯遠寄將五  
都市上無論價此圖失來三四秋錦綈玉軸重見收碧天  
遠影動鄉思高堂白日凌滄洲誰其作者南昌友醉墨淋  
漓無不有宛在中流瀕洞深忽看絕壁雲濤走半湖黯澹  
純浸煙傑閣倒影虛無間鷺鷥拍浮亂投岸急雨飄颻爭  
回船洲傾灘側微茫裏城堞朦朧直西指草木盡捲石磯

風人家半入沙隄尾乘空浩渺嗟何及對景蒼涼愁不止  
故人共贈滄浪歌令我長思莼膾美我今羈滯長安坊舊  
游徵逐多老蒼金華千載白石爛

浦江周爲漢客死湖北

雍門一奏

哀絃張小山招隱爲誰發長川感逝若可杭安得再鼓越  
江柁亟謀二頃湖田莊君不見角里高名在寥廓煙水何  
如故鄉樂此圖得失能幾何世事往復何其多

且道出蘭陵爲陸祁生題宣南話舊圖

東吳文學聲名起累策賢良何不仕徵車空過奉天門走  
馬獨歸崇義里藥徑花欄路不分墻東耆逸舊相聞故人

證鶴齋詩集

卷二

七

共隱烏皮几才子爭題白練裙岸幘悲歌多意氣寸心斗  
酒由來貴論詩只到沈尚書揖客曾無袁太尉窮年著錄  
且怡情日暮經過魯兩生麈尾清談閒自取鶡冠內學晚  
初成短褐還家更蕭寂蘭陵買醉傷今昔便應長謝五陵  
游但與重尋三泖宅

築堤行

衛河未落漳河長南版牖前水一丈河夫受役不計繒長  
官下來何怒嗔翦旌分隊日三四里正籍中有名字朝出  
填河夜不休竿頭懸燈光在地壯男積土堆如邱瘦丁索

飯村市頭莫辭生死向前去三日北風工早收冊報司農  
平會計屯戶家家責蘆稅赤棒傳呼馬步工幕府又奏河  
官功

重午毘陵道中戲作五毒篇

六蝎有角虎有翼蝮蛇東來怒追北睨目嚙牙向吞食百  
蟲將軍爾何職忍令對面爲殘賊大者跛行小喙息五月  
五日作符救世間萬類多醜德毒骨終愈毒心刻爾輩尙  
不如鬼蜮

團扇曲

證嚮齋詩集卷二

三

奉君白團扇聽妾清商奏明月徘徊傾向君憔悴雙蟬遮  
半袖相思字刻八蠶絲一步回車兩不知憑君別采機中  
練泣向秋千自背面

永安行館苦寒

朔風淅淅吹雪山山在邑南秃鶯塌翅啼水關西日慘淡凍雨

直北陸崩圻陰木乾湖州紅綿失翻正蠻女白氍備複單

我病消歇百不適爾曹執熱知非頑

朔風淅淅吹我衣官坊之外南雪飛登雪墀前叫猿急浮  
流渡口行人稀黑入太陰天柱弱凍埋大澤蠻江微草中

孤鬼伏不死射生身手今是非

時適捕土匪

晚晴

燕江三日風倒吹江水怒立雲四垂銅盤鐵甲

兩山名

皆傾

欵北陸一朝苦霧披六龍墮地光陸離蠻荒長老歡掀眉  
潭州太守坐兀兀南山惡木斬者誰鄉里少年筋骨異黃  
金結義游俠兒椎埋豪猾重足立蒼鷹之治急擊追草澤  
須任爾輩爲

復陰

崑崙天關省深阻元陰不開天又兩大荒埋日凍屯甲小

證嚮齋詩集

卷二

十四

柵迴颼擊蠻鼓北谷蕭森朔氣重南翁瑟縮寒顏苦雪山  
之麓生陽曦星旋斗運人不知

欵乃曲

楚竹吹煙出篷底榜歌半落湘潭裏白石青楓不見人月  
明只隔湘江水深入蘆花醉不知一聲欲斷鷓鴣起

任城太白酒樓歌

并序

樓有唐沈光碑記不言建始所自志引甘澤謠云  
許雲封自言初生一月東巡迴駕次任城外祖李  
暮抱詣李白學士乞撰令名李方坐旗亭當爐賀

蘭氏邀李置酒於樓上後人因白嘗醉於此故以  
名歸之亦臆度之詞也

任國城南煙水藪攔街小兒拍銅斗身浮黃雲歸去來勸  
爾長庚一杯酒隴西王孫天下奇行騎土牛笑開口國人  
但解享爰居世事依然逐芻狗黃金買青春醉脫紫綺裘  
長河向身瀉汝泗縱橫流泰山左迴亢父右倒影瑤池白  
玉樓樓中動仙樂一日劇三秋酣馳燭龍景夢踏金華游  
金華賦詩滿高價擊劍鼓鐘兩閒暇雕盤綺食鷓鴣杓未  
肯低眉爲人下麒麟之閣驃騎亭地上囂囂直可輕便應

證嚮齋詩集

卷二

五

長挈鳴夷子不然且約丹邱生賀蘭坐當爐揮手謝浮名  
楚臺惟聞進伏女漢帝何嘗知歲星我欲呼天書素壁青  
史是非安可摘拊飯大張雷鼓棄厭吹金門空噉啗銀檣  
連鐵鹿九月朔風吹魯門竄主簿堯祠無拾遺墮肝瀝膽  
傾向誰東絕蓬萊徒爾悲意許千春從汗漫豪華讓與門  
雞兒

送李墨莊中翰奉使琉球

代英煦齋師作

先生奇氣不可當凌躒八極身堂堂峩嶷山頭一躡足飛  
夢吹度梅花洋拍天海水水壁立波濤直與心低昂方今

天下大一統空同以外皆邊疆琉球藩服世順命渴利兜  
系傳何長今春陪臣賫表至乞降玉冊垂遐方詞臣十輩  
俯丹陛公德乃大容乃莊拜手稽首帝曰俞闔闔畫闕頌  
天章增大倉俸晉榮秩麒麟繡袍何輝煌車前雙引有五  
節騶後百騎皆戎裝平生如椽一枝筆此去要付蛟龍扛  
船頭打鼓下閩越天妃廟前羅酒漿營營烏舟博尋丈出  
五虎門臨蒼茫萬古厯劫不到此直非人世眞洪荒惟有  
波濤起滅外日月跳擲三千場乘風篳篥起臺上急雨飛  
洗天青蒼丈夫每欲拓鰲極王氣早已凌樽桑鳳御丹詔  
證嚮齋詩集卷二

六

自空下仙雲連亘雙虹梁錦衣玉帶道旁伏再拜受救中  
山王口含北斗對天語關山萬里生輝光憶昔史館同著  
述天孫氏裔曾稽詳君今旣作極域使我亦欲放東海航  
人生功名何足計鯨牙不拔心肯降歸來各作搜異記定  
使文字森光芒

孤鴈篇

西風吹影平沙黑楓塘叫斷心摧惻蒼煙一點落青冥聲  
淒翅重飛無力關河倦羽飄零苦呼羣恨別衡陽浦黃雲  
陣沒勢全消碧落碑殘字難補江湖夢冷悲孤客紅蘆抱

葉微痕白鶴鴿原上觸新愁羈魂獨倚瀟湘月

其二

古浦流雲冷波咽碧字鑱空怨離別野門橫瑟不成聲一  
夜相逢故江月綠星寫影光溶溶銜蘆獨上峩眉峯美人  
隔燈共宵語小屏漂淚春山濃分飛夢斷瀟湘綠漢節驚  
風滿幽朔相思木帖金鸞絃彈作胭脂塞上曲

其三

洞庭落木西風急一雁橫天叫秋月飛落空中哀怨聲蘆  
花亂舞湘江雪慘如離曲譜陶嬰九死難移黃鵠節淒如  
證齋詩集卷二  
別恨賦樊南三春但灑紅鴉血忠如元禮扈巴江萬里長  
隨鸛鵝列健如李廣走陰山一騎獨先貔虎卒衡陽失侶  
已年年生不同飛死同穴百二關河隻影翔十三筇柱雙  
絃絕君不見鴛鴦頭白卧溪沙一生不識廬江別

單貞女詞并序

貞女幼時父抱示諸玩物獨擇一小印文爲俠腸  
傲骨許字李年十七守貞今八十矣當事者請於  
朝得旌如例

印纍纍女心石心骨石骨嵩華峯一拳射虎羽不能沒女

心石心骨石骨一解少微星殞夜市辟列文召上士烏臺之

孫侍中子女身獨生女心死二解汲井止水澄刈蓬直麻出

女年十七八十女心一恆其德貞女子吉三解天語煌煌女

子之祥靈椿不落若木乃光作為斯歌以告四方四解

魯孝子詩 并序

孝子名元暉浙江昌化縣人母王病篤下藥不治

孝子刲股進食病立起

兒來前為阿母歡朝出市粟入奉阿母餐阿母疾苦兒摧

心肝一解天風磅礴淒以悲兒再拜告天天有主者仁且威

證嚮齋詩集 卷二

聲索索起執炊阿母疾苦兒持作糜二解糜一勺不死藥願

阿母長壽百歲大歡樂日月起伏上堂稱爵三解里中嘵嘵

兒孝不名兒孝大名長官出教言告郡國平慎行四解

費西塘奉使琉球圖分題出五虎門 代肅親王作

地維天極大合并國家威德包滄瀛琉球內首拱上京委

填聚畫輪赤誠典策拜登世秩榮虎符龍節東南征海門

聳峙潮夜生樓船直下聞旬旬列缺猶怒驅雷霆元氣噴

薄韜陽精驚湍迅瀆相搪撐銀山倒走崑崙傾渾淪迴旋

鬱不平匹練上擊天有聲屹若水柱空中擎欲落不落寒

光瑩其下貝闕高開閎白玉爲壁瑤爲甍蒼水使者麾蓋  
迎雲旃素旆馳魚兵百怪側塞莫敢攖青紅妖露波底鯨  
峩峩大艚張帆行乘風筆策四五鳴短衣壯士頭胡纓麩  
韃森列戈鋌明水犀三翼前導程招搖旂尾北斗橫潮雞  
報曉鼉報更島嶼出沒煙氛清樽桑九枝皎日頽萬里南  
指中山城詔書尺一頒外廷金泥玉簡搖光晶重緹秘襲  
嚴且肩夜半肅穆朝神靈使君奇氣超八冥臺閣峻望何  
崢嶸麒麟錦袍繡織成坐擁鼓吹揚三旌梅花洋東凌窈  
溟欲與博望爭功名却金書就琅玕呈彼國例有饋金  
君遺書却之更

證嚮齋詩集

卷二

九

以柔德蘇彼氓

彼國人以私負爲南臺人所控國主盡子  
逮繫君馳札寬釋之所全不下數百家

歸來報命金馬庭天語前席褒廉貞嘉乃丕績鐘鼎銘蘭  
丸無外皇道亨

演禽言三章

泥滑滑泥滑滑老農出門防滑澆莫愁滑澆雨深土膏發  
者勞泥滑滑

布穀布穀握粟出卜大麥登場小麥熟今年多收米十斛  
長官來瘠土其沃

提壺提壺米白如珠甕頭酒熟無須沽大酺十日民歡呼

歲豐樂提葫蘆

黃爵謠

斛米千斛米百射的元且白蒼龍聲牙牙上天不得息東  
門車粟如雨黃爵下來無處所有箕夜張口相將奈何汝  
雷聲隆隆地上多九張機汝奈何

東海謠

有客自南方來釣魚百車魚磬一石將爲朝餽長蛟角疑  
疑鮒入空其居天遣一龍下來治但求食與宮乾谷當何  
如東市前頭撒白雨海水飛打雷鼓

證嚮齋詩集卷二

二

鼠爵謠

與足不與翼鼠飛來食人食堂下空釜鳴大雨深一尺車  
搖搖泥獨漉鸞兩弓來逐穴白日出當心不如雀有角歸  
告我家大歡樂

蠻女賽神曲

山南作雨山北昏桃榔樹下開廟門里中女兒髻高綰一  
月行人十回懺櫻桃熟時歸不歸還家織作成神衣下階  
際嗟迴步促陌頭重問琵琶卜竈前三日空釜鳴神君不  
如雞骨靈

明皇鬪雞圖歌

春風吹暖棠梨社，詔起雞坊夾城下。雲龍門外召神童，勤政樓前對舞馬。六軍小兒繡襦褶，錦豪鐵距盈千行。頭門羽衛盡屯甲，複道金椎大合塲。赤憤三號風雨怒，破陣東方日未午。內府催分白打錢，教坊急點花奴鼓。帝貌沉雄御榻偏，太真夾坐疑凌仙。舊陳角觝戲，初上新試婆羅曲。未闌一朝禍，倚金雞障函谷雄。聲孰先唱狗盜驅來曳，落河龍池驚放含元仗。父老空招杜宇魂，君王詎識鴟鴞狀。峴起張公真鳳麟，李郭亦是飛將軍。山東不救沙蟲劫，河諍齋齋詩集卷二

三

朔長懸鵝鶴羣，後世重悲紇于雀。當年誰問石壕人，回思貞觀陳王業。鶴死懷中容直臣。

重游桃園看花歌柬梅雪帆

綠楊濛濛天欲雨，播蕩煙光浩無主。沼溪繞郭桃李花，上有黃鸝相對語。今年春寒花事遲，天桃纔發三五枝。小橋流水猶前度，破帽單衫非昔時。客來看花不惜早，春去較多來苦少。三年寒食呂陽城，况復三年人易老。東方風來驕不勝，愁懷倚醉多曹騰。樽前對酒醅顏借鏡裏羞，花華髮增梅生愛我意。良厚勸我當花且進酒，繁花滿眼酒入

唇世上浮名亦何有

放歌行贈陸費春帆至自天津

陸生好文恥章句臺省薦賢曾不遇篋中惟有夏侯經坐  
上虛傳左徒賦褰糧三月未解貧縱酒千場已非故鄴下  
才人那可攀杜陵男子誰相顧壯髮蹉跎二十餘吹簫擊  
筑過荒閭空歌白馬邊頭曲但讀黃牛道上書東堂揖君  
手重把三市招邀日游冶黃紙多聞召侍中皂囊不得干  
門下接攤半倒且爲歡瑯玕一編聊自寫五陵年少輕笑  
唾窮巷回車徒爾爲始知齊魯諸生賤不及幽并游俠兒

證齋詩集

卷二

三

送汪竹海竹素下第歸揚州

汪倫年少才名重磨刺長安稀薦送入世人驚白袷狂離  
家客斷紅橋夢憶余獻賦上長楊日下看花向草堂偶爲  
說詩知賈島早因失路惜冬耶後來大道同幽築宣武坊  
南春草綠椒壁居連大小馮銅鋪廨對東西陸攜家柱擲  
買山錢浮宦空燃修史爝倚石耽書柿葉秋賣珠易米桃  
花熟飄零早歲潞河船轉徙清門越公族更有誰傷庾杲  
貧不妨都付唐衢哭意氣多君載一卮迎涼頻過習家池  
鴛鴦瓦冷春星碎鷓鴣香温夜月遲繞徑闌干朝點屐垂

簾燈火暮彈棋祇今如意顛狂地猶記琴心飄泊時無端  
吹折神山浪五陵賓客同惆悵三上曾無宰相書十年誰  
聽中朝唱已知潦倒杜陵窮豈料遭逢羊勝謗亂雨盲風  
掩竹扉疲驢破帽歸蓬巷西京久罷詔車徵東觀徒勞故  
人望拚把梁園絕代文一時都向滄江葬片帆如葉下揚  
州大業煙花感昔游一別關河隔秋夢卽今霜雪上扁舟  
最憐淮海歸來客冷看家山舊日樓漫說賃春依廡下竟  
甘捩笛住江頭斷垣有恨埋金粉落日無情弔玉鈎共道  
平原交已散偶逢豪讌淚先流人生何惜蠻荒路竹西歌

證嚮齋詩集卷二

吹難留住縱有人傳湓浦書不堪煙隔蕪城樹二竹巖暮  
卽有粵西  
行之我亦東華獨客身越江孤負故園春但將白社生前約  
寄語青湖別後人

清明日同人集不繫舟分韻得船字

濁酒一棹成小顛角巾半折衣無船小桃隔院作春夢素  
月對人如古禪鳩語不來笛喚雨鶴聲欲起爐炊煙家山  
臥綠未歸去大笑揮盡牀頭錢

證嚮齋詩集卷二

